

APOKALIPSIKO ZALDI ERRENAK
(Prometeo hillezkorra)

Ondamendira ei doa mundu hau
zoroa dalako.

Antxinako tradizinoa du
horren zor ta bildurti ta zentzungabe
izatea. Agian beste milla edo
milla bi urte pasako dira ba lasai
zubipetik onda dedin arte.
Mundu honek ez du ondamendirik merezi.

Zaldi errenak datoz apokalipsian.

Edo agian bidea erratu dute.

Nahi ez zituzten umeekin erditu dira
ama guztiak munduan.

Poliziak ez du metafisikarik ixturiatu.

Bazkariko indibabak gatzik gabe zeuden.

Gauza handirik ez, okerreria vulgar bat.

Tabuz armaturik datoz begietaraino
zaldiak.

Enamoratuta dago,

ta arrats batean dana ondatu zuen,

herriko atari guztiek dakite nola.

Mixeria utsa, besterik ez.

Gizona ez da gaiztoa.

(Agian ezta ona ere).

Total, azkenean

gurutze batean hil zan Jesukrixt,

egiaren egarri zan-eta

pozoia edan zuen Sokrate-k,

urdai txar bat janda

joan omen da Buda Nirvana-ra.

Mixeria utsa. Ogei ejemplo

multiplikatu beharko nituzke.

Zaldi tixikoak

datoz munduaren apokalipsian.

Jose Azurmendi

GOGOETAREN SILABAK!

Ba dakit nik gudua galdu
eta pakea irabazi
egingo duen herri bat.

* * *

Ikus beza bakoitzak zer nahi duen:
hiltorian dagona sendatu
ala hillak piztu.
Edo kandelak saldu entierroan.

* * *

Gure burua eskaxa da.
Bainan nik nahiago dut
neure buru eskaxarekin pobre
besterenakin aberats baino.

* * *

Arrotz sentitu nintzan Suede-n:
kaka esaten diote pastelari.
Euskaldun gelditzea erabaki nuen
derrefente.

* * *

Kafka gizon bat zan.
Oi zer atrebentzia izugarria
herri izan behar dan denporaotan!

* * *